

HISTORIA DEL IFPES EN MAYA

“Tu winalil mayo tu ja’abil 1939 beeta’abi’ le yáax Noj Much’táambal ti’ Procuradoro’ob, le je’ela’ tu yo’ola’ u meyajil Licenciado Amador Coutiño, liet’e’ u Procurador General ti’ Justicia ti’ Distrito Federal yéetel Territorios Federales. Ichil le noj tsikba’alo’ob ts’abi’, jets’i’ u k’uben t’aan uti’al u beeta’al ti’ tuláakal le xeet’ lu’umilo’ob ti’ u noj lu’umil México Najil xooko’ob Científicas ti’ Policia’ob, uti’al u beetiko’ob jump’éel ma’albon meyaj ti’ u puesto ku k’aabatik Policía Investigador.

Tu ja’abil 1947, ka’ táan u beetikubaj Jala’ach le Licenciado Miguel Alemán yéetel u Procurador Licenciado Carlos Franco Sodi, beeta’abi’ jump’éel payalt’aan ti’ Edwin L. Sweet yéetel Clark D. Anderson, agentes ti’ F.B.I. uti’al u ts’áajko’ob jump’éel ka’ansal ti’ le ka’ach ku k’aabatik Policía Judicial, uti’al u beytal u beeta’al le najil xooko’ ti’ Investigación Científica. Ichil u ja’abilo’ob 1946 tak 1952, le ba’ax ku kaxtik le yáax najil xook, u ka’ansik u ajmeyajo’ob ti’ le Policía Judicial ti’ Distrito Federal, uti’al u yaantalti’ jump’éel cuerpo policiaco kaambalnajo’ob ti’ investigación.

U noj Naajil Xook ti’ Formación Profesional yéetel Estudios Superiores, ts’o’ok u jeelpaja’ ikil u máan le k’iino’obo’, ku meyaj tu yo’olal ka’ansal yéetel kaambal tu yo’olal u p’is ólal k’abéet ti’ le kajnáalo’ob. Ti’ le k’iino’oba’ yéetel bey jets’a’an ti’ u artículo 69 ti’ u A’almajt’aanil Orgánica ti’ le Fiscalía General ti’ Justicia ti’ u Noj Lu’umil México: “... jump’él molayil jats’a’an ti’ le Fiscalía yéetel ku meyaj chéen tu juun, yéetel yaan u páajtalil uti’al u pa’ajóoltik yéetel u beetik u Servicio Profesional ti’ Carrera ti’ u ajmeyajo’ob; u beetik meyajo’ob ti’ xook, ti’ posgrado ti’ investigación yéetel extensión académica ti’ le xooko’ob yaan u yilo’ob yéetel justicia penal...”

Ku ts’áabatech ojéeltbil wa ma’ ki’imak a wool yéetel le núuko’ ku ts’áabatech, je’el a páajtal a wa’alik yéetel jump’éel ts’íib ku k’aabatik Recurso ti’ Revisión, tumen bey jets’a’an ti’ u artículo’ob 233, 234 yéetel 236, ti’ u A’almajt’aanil ti’ Transparencia, Acceso ti’ le Información Pública yéetel Rendición de Cuentas ti’ u noj Kaajil México, uti’al ka beetik le je’ela’ yaantech 15 p’éel u k’iinilo’ob ti’ meyaj.